

دارالفنون

ادبیات فارسی و ادبیات عربی

فلسفه ، اجتماعیات ، تاریخ ، جغرافیا ، ادبیات

ایکی آبدہ بر نشر اولنور

مندرجات :

عثمانی دارالفنون	[محمد علی عینی]
مساعی لسانیہ	[جناب شہاب الدین]
لسان نظمده اشکال وافکار	[علی اکرم]
آخہ منیدلر تاریخنه عائد تدقیقات	[لہمان ہاویت]
لسان ویازی	[غ . برغشترده سہر]
مصدرده یازلمش تورکنجه کتاب	[نجیب عاصم]
« غوتہ » یہ دائر	[عشاقی زاده : خالد ضیا]

ترجمہ قسمی

فلسفہ بر علممیدر ؟	[احمد نعیم]
صناعتک بر تعریفی	[وحید]
کتابیات تحلیللری	

استانبول — مطبعہ عامرہ

۱۳۳۲ — ۱۳۳۴



ایدلمشدر . هله زمان و مکانک ماهیتلری حقنده ده قارت ، لایینیچ ، قلارق و قانتک ملاحظات فلسفیه لرینک آچیق و متقن برافاده ایله شرح ایدلمش اولماسی قارئلری ایچون حقیقی بر استفاده یی تأمین ایده جک بر موفقیتدر . بو کتابک کوچک بر قصوری و ارسه اوده مقالاتک ترتیب و تسلسلی صیره سنجه کورولن خفیف بر نقصانی انسجامدر که اونک ده اثرک ایکنجی تمثیلده تصحیحنه همت اولنه جغی شهبه دن بریدر . بو کتاب حقنده ایلریده آریجه مقاله مخصوصه ده یازیله جقدر .

محمد علی عینی

تاریخی آثارده :

عاشق پاشا زاده تاریخی — [طبعی : استانبول — طبعه عامره هجری ۱۳۳۲ =

۳۱۸ صحیفه دن عبارت = فیاتی ۷ غروش]

عثمانلی تاریخنک اوائلنه دائر موجود نادر و ثائقدن معدود اولان بواثر ۸۸۹ تاریخنده عاشق پاشا زاده نامیه معروف احمد عاشقی طرفندن یازلمشدر . دایعه ده موزه هایون کتبخانه سی حافظ کتب معاونی عالی بک نظارت ایله مشدر . بواثرک موجود ال یازمه manuscript لری چوق دکلدر : بر نسخه موزه هایون کتبخانه سنده ، بر نسخه ده واتیقان و ویانه کتبخانه لرنده (ویانه کتبخانه سنده کی نسخه نقصاندر) و بر نسخه ده الیوم دارالفنونه اصول تاریخ و تاریخ تطبیقاتی مدرسی بولنان مستشرقیندن موسیو یوحان مورتمان نزدنده موجوددر ؛ بونلردن بشقه اخیراً برلینده دیکر بر نسخه ظهور ایتمش ایسه ده هنوز محتویاتی لایقینه تدقیق اولنه مدیغندن بوبابده فضله معلومات ویرمک شمیدیلک ممکن دکلدر .

ممالک متمدنه نیک اکثریسنده ، آلمانیا ، فرانسه ، ایتالیا ، اوستریا و مجارستانده بالخاصه اون سکر و اون طقوزنجی عصر لردنبری تاریخ ملی یه متعلق منابع و وثائق جمع ونشری ایله اشتغال ایدیله کلشدر ؛ حتی بولغارستان و رومانیانجمن دانشلری دخی بوکا ممائل نشریانه تشبث ایله مشلردر . بونقطه نظر دن عاشق پاشا زاده تاریخی کبی تاریخ ملیمز ایچون مهم بر منبع تشکیل ایدن بر اثرک طبعی شایان تبریک بر موفقیتدر . بالخاصه عالی بکک

مقدمه سی جداً واقفانه یازمش اولدیغی کبی بومناسبتله مومی الیه شمیدی به قدر معلوم اولمایان بعض منابعده استفاده ایله مشدر . اثرک صوکنده کی فهرستک ترتیب ودرجی مملکتمزده ، اغلب احتمال ، ایلک دفعه وقوعبولش برحادثه در . اوروپاده درت یوز کسور سنه دنبری موجود اولان وبوکبی تتبعات ایله اشتغال ایدنلرک تحریاتی پک زیاده تسهیل ایدن بواصولک مملکتمزده ادخال ایدلمسی شایان تشکر در .

مع مافیه بوکبی منابع و وثائق اوروپاده وجوده کتیریلن انتقادی طبعل Editions critiques ی بعض قیود وشرائطه تابع طوتیلور . عاشق پاشا زاده تاریخنک بو طبعنده اصلنک املاسی محافظه ایدلمسی مذکور شرائط جمله سندن اولدیغی حالده بوکا رعایت ایدلمه دیکی کورولور . شو حالده اصلنک املاسی بوکونکی املایه تحویل ایدیلیرکن یا کلشلقله میدان ویرلش اوله بیلیر . بوندن بشقه ، املا مزک تاریخنی تدقیق ایتک ایسته ینلر اثرک بو طبعندن استفاده ایده مزلر . واقعا درت بحق عصر اولکی املا ایله یازیلان بر کتابک بوکون قرائتی مشکدر ؛ فقط بواثرک ناس grand public ایچون آریجه برطبی وجوده کتیرلمسی و علم عالمی monde savant ایچون انتقاد قواعدینه موافق صورتده طبع ایدلمسی ظنمجه مرجحدر .

بوکبی انتقادی طبعل وجوده کتیریلیرکن اثرک موجود ویاخود تدارکی ممکن اولان یازمه نسخه لرینک بر آرایه جمعی وبونلردن بریسنک اساس اتخاذا ایدیلهرک متن اوله رق طبعی و صحیفه نک زیرنده حاشیه صورتنده دیگر نسخه لرله اولان اختلافاتک ذکر ایدلمسی قاعده اتخاذا ایدلمکده در . بو طبعک ایکنجی بر نقصانی ده بودر .

بوکبی آثارک بعدما وجوده کتیریله جک طبعلرنده بو خصوصکده نظر دقتدن دور طوئلامسنی تمنی و ، یوقاریده ده سویله دیکم وجهله ، اثرک بالخاصه فهرستلی اوله رق طبعی شایان تبریک عد ایلرم .

لاظم سناسی

